



MUONGOZO NA TARATIBU ZA VYUO NA VYUO VIKUU

TOLEO LA PILI, 2017

UTANGULIZI

Chama cha Siasa kikomavu hakitaacha kuunda sehemu ya wanafunzi wa Vyuo na Vyuo Vikuu kuufanya uhusiano wake kuwa wa chanda na pete. Umadhubuti wa Chama chochote cha siasa, ufanisi wake na uhai hasa vijana wa Vyuo na Vyuo Vikuu. Hivyo, eneo hili Wanafunzi wa Vyuo na Vyuo Vikuu linapaswa kuimashwa kumuundo, kimaadili na kimkakati. Umadhubuti huo hutoa msaada mkubwa katika kufanikisha adhma na malengo ya Chama cha siasa.

Kwa hivyo, uwepo wa Idara ya Vyuo na Vyuo Vikuu umezingatia umuhimu wa Chama kuungwa mkono na kundi la Vijana Wasomi waliopo katika Taasisi za Vyuo na Vyuo Vikuu. Lengo kuu likiwa ni kuwapatia wanafunzi wa elimu ya juu fursa ya kukutana na kubadilisha mawazo na uzoefu juu ya maswala ya Itikadi ya Chama, maadili na uzalendo wa Nchi pamoja na kujenga fikra za kujitegemea na ubunifu.

Umoja wa Vijana wa Chama Cha Mapinduzi unatambua kuwa harakati za kuleta Mapinduzi ya kiuchumi, kisayansi na kitekinolojia na kujenga jamii ya watu iliyo sawa nchini Tanzania, unahitaji chombo madhubuti kinachounganisha fikra na vitendo kwa vijana wote wakiwemo vijana wasomi.

Uwepo wa Idara ya Vyuo na Vyuo Vikuu unaoundwa, unakusudia kushiriki katika kutatua changamoto za wanavyuo zinazohusu elimu, mikopo ya elimu ya juu, siasa, namna bora ya kujajiri na uwezeshaji wawapo na wamalizapo kusoma.

Uwepo wa Idara ya Vyuo na Vyuo Vikuu utasaidia kutaratibu na kukuza uhusiano na ushirikiano baina yake na taasisi za hiari zinazojishughulisha na masuala ya elimu, sayansi na utamaduni ndani na nje ya Tanzania. Msingi wa Elimu ni kumfanya mtu aweze kujitambua na wakati huo huo aweze kujitawala. Elimu humsaidia mtu kugundua uwezo wake na mipaka yake. Aidha, humuonesha jinsi

ya kuondokana na mambo ovyo aliyoyarithi na jinsi ya kutumia vipaji vyake ili kuendesha maisha yake, hapo elimu itakuwa imefanikiwa kutimiza malengo yake.

Umoja wa Vijana wa CCM unazingatia na kutambua kwamba elimu ndiyo rasilimali kuu ya Taifa letu. Tunakubali kimsingi kwamba ili tuweze kupata elimu bora, wanafunzi wanalazimika kuwa na nidhamu ya hali ya kuwa na silka ya uchunguzaji, ili kuwa na uelewa mpana wenye kuyafahamu mazingira aliyopo.

SEHEMU YA KWANZA

FUNGU LA KWANZA – JINA LA IDARA, MADHUMUNI NA MALENGO

Kifungu cha Kwanza 1:

Jina la Idara: Idara ya vyuo na vyuo vikuu

Kifungu cha 2

Madhumuni na Malengo

Madhumuni ya Idara ya Vyuo na Vyuo Vikuu ni kama ifuatavyo:-

- i. Kushughulikia uratibu wa masuala ya Wanafunzi wa Vyuo na Vyuo Vikuu kupitia Matawi yao ambayo lazima yawe nje ya maeneo ya vyuo.
- ii. Kusimamia na kufuutilia harakati za kisiasa na za kitaaluma za Wanafunzi wa Vyuo na Vyuo Vikuu.
- iii. Kuwa kiungo kati ya Vyuo na Vyuo Vikuu na Vikao vya Jumuiya na Chama katika ngazi zote.
- iv. Kusimamia shughuli za Uchaguzi wa Viongozi wa Vyuo na Vyuo Vikuu, na uchaguzi wa Uwakilishi kupitia vyombo vya dola.
- v. Kusajili wanafunzi katika matawi ya Vyuo na Vyuo Vikuu kwa shabaha ya kuwa na wanachama kwa kadiri inavyowezekana.
- vi. Kushiriki mikutano, midahalo na makongamano kwa ajili ya kuwajenga wanavyuo wawe na uwezo wa kujiamini kuhusu Nchi yao na nafasi ya Chama Cha Mapinduzi.

FUNGU LA PILI - MAJUKUMU

Kifungu cha 2

Majukumu ya Idara ya Vyuo na Vyuo Vikuu

Kwa hiyo Idara ya Vyuo na Vyuo Vikuu itakuwa na majukumu yafuatayo;

- i. Kuwajenga wanafunzi katika maadili ya uzalendo, umoja na utaifa. Pia kuthubutu kutenda katika mazingira ya maendeleo ya Sayansi na Teknolojia.
- ii. Kuunga mkono na kushiriki kikamilifu katika ukuzaji na uendelezaji wa vipaji na taaluma za wasomi kwa lengo la kuimarisha moyo wa uvumbuzi miongoni mwa jamii ya vijana wasomi wa Taifa.
- iii. Kukuza uhusiano na ushirikiano baina ya Vyuo na Vyuo Vikuu na taasisi za hiari zinazojishughulisha na masuala ya elimu, sayansi na utamaduni ndani na nje ya Tanzania.
- iv. Kuwa chemchem ya fikra na mawazo ya kimaendeleo kwa Taifa.
- v. Kufanya tafiti za changamoto zinazolikabili Taifa.

SEHEMU YA PILI

UANACHAMA NA UONGOZI FUNGU LA KWANZA - UANACHAMA

Kifungu cha 3

Uanachama

Kila mwanafunzi anayetimiza masharti ya kujiunga na chuo husika na kujiandikisha katika Tawi la Chuo na mwenye kadi ya CCM, atakuwa mwanachama katika Matawi ya Vyuo na Vyuo Vikuu hata kama atakuwa hajapata kadi ya UVCCM.

Kifungu cha 4

Masharti ya Uanachama

Mwanafunzi atakayekubaliwa kuwa mwanachama katika tawi awe na tabia nzuri kwa vitendo vyake na kauli yake, kuwa mwaminifu, mwadilifu na mzalendo. Kwa mujibu wa Ibara ya 10 isipokuwa 10(i)

Kifungu cha 5

Utaratibu wa Kuomba, Kufikiriwa Uanachama, Mafunzo, Kiingilio na Ada za Uanachama.

Mwanafunzi yeote anayetaka kuwa mwanachama wa CCM kupitia Jumuiya ya UVCCM, kupata kadi ya Chama itakuwa kama ilivyoainishwa katika kanuni ya UVCCM Ibara ya 11.

Mtu akikubaliwa kuwa mwanachama itabidi atekeleze masharti ambayo yameainishwa katika Kanuni ya UVCCM Ibara ya 10 isipokuwa kwa kigezo cha umri hakitangizatiwa kama ilivyoainishwa katika Ibara 10(1)

Kifungu cha 6

Ukomo wa Mwanachama

Mwanafunzi ambaye ni mwanachama, uanachama wake utakoma ndani ya Vyuo na Vyuo Vikuu iwapo;

- i. Ataacha kwa hiari yake
- ii. Ataachishwa
- iii. Atahitimu masomo yake

Kifungu cha 7

Haki za Mwanachama

Haki za mwanachama zitakuwa kama ilivyoainishwa katika kanuni ya UVCCM Ibara ya 13

Kifungu cha 8

Wajibu wa Mwanachama

Kila mwanachama atakuwa na wajibu kama ilivyoainishwa na kanuni ya UVCCM Ibara ya 14.

FUNGU LA PILI – VIONGOZI

Kifungu cha 9

Maana ya Kiongozi, Aina ya kiongozi, Sifa za Kiongozi, Miiko ya Kiongozi, Kuondoka katika uongozi na Kiwango cha Kura katika Uchaguzi wa Kiongozi.

Mambo haya yote yatakuwa kama yalivyoainishwa katika kanuni ya UVCCM Ibara ya 15 ,16,17,18,19,20 na 21.

Kiongozi sharti awe na kadi ya CCM na awe Mwanafunzi katika Chuo au Chuo Kikuu. Isipokuwa Ibara ya 10 (1) na 17(e) hazitazitangatiwa kwa viongozi wa Vyuo na Vyuo Vikuu watakaochaguliwa kwenye ngazi ya Matawi, Mkoa na Taifa.

Kifungu cha 10

Kuondoka katika uongozi

- (a) Kutakuwa na aina zifuatazo za kuondoka katika uongozi wa wanafunzi wa Vyuo na Vyuo Vikuu;
 - i. Kujiudhuru mwenyewe
 - ii. Kuachishwa kwa mujibu wa muongozo na taratibu hizi.

- iii. Kufukuzwa kwa mujibu wa kanuni
 - iv. Kujiunga na Chama kingine chochote na jumuiya zake
 - v. Kuhitimu masomo yake
- (b) Kiongozi aliyeachishwa au kufukuzwa uongozi hatakuwa na haki ya kuomba tena uongozi

Kifungu cha 11

Muda wa Uongozi

Kiongozi yejote kutoka Vyuo na Vyuo Vikuu aliyechaguliwa kwa Mujibu wa muongozo na taratibu hizi atashika madaraka yake kwa muda wa miaka mitatu ya Uongozi lakini anaweza kuchaguliwa tena kwa kipindi kingine endapo atakuwa na sifa zinazotakiwa.

SEHEMU YA TATU

VIKAO VYA VYUO NA VYUO VIKUU

FUNGU LA KWANZA – VIKAO VYA MATAWI

Kifungu cha 12

Vikao vya Tawi

Kutakuwa na vikao vifuatavyo vya Wanafunzi wa vyuo na Vyuo Vikuu katika kila Tawi.

- i. Mkutano Mkuu wa Vyuo na Vyuo Vikuu Tawi
- ii. Kamati ya Uratibu ya Vyuo na Vyuo Vikuu Tawi

Kifungu cha 13

Mkutano Mkuu wa Vyuo na Vyuo Vikuu Tawi

- (a) Kutakuwa na Mkutano Mkuu wa Tawi katika kila Tawi la Wanafunzi wa Vyuo na Vyuo Vikuu, ambao utakuwa na wajumbe wafuatao:-
 - i. Mwenyekiti wa Vyuo na Vyuo Vikuu Tawi
 - ii. Katibu wa Vyuo na Vyuo Vikuu Tawi
 - iii. Katibu Hamasa wa Vyuo na Vyuo Vikuu Tawi
 - iv. Katibu UVCCM wilaya katika eneo husika
 - v. Wajumbe wengine wa Kamati ya Uratibu wa Vyuo na Vyuo Vikuu Tawi
 - vi. Wanachama wote ambao ni Wanafunzi wa Chuo wa Tawi hilo.
- (b) Mkutano Mkuu wa Tawi wa wanafunzi wa Vyuo na Vyuo Vikuu ndicho kikao kikuu cha Tawi.
- (c) Mkutano Mkuu wa Vyuo na Vyuo Vikuu Tawi utafanyika angalau mara moja kila Muhula wa masomo na si chini ya mara mbili kwa mwaka wa masomo.
- (d) Kiwango cha mahudhurio katika Mkutano Mkuu wa Vyuo na Vyuo Vikuu Tawi kitakuwa ni zaidi ya theluthi moja ya wanachama wote wenye haki ya kuhudhuria kikao hicho.

(e) Mwenyekiti wa Vyuo na Vyuo Vikuu Tawi ndiye atakayeongoza Mkutano Mkuu wa Vyuo na Vyuo Vikuu Tawi lakini endapo Mwenyekiti atakuwa hayupo mukutano unaweza kuchagua mjambe mwingine yejote miiongoni mwao kuwa mwenyekiti wa muda wa Mkutano huo.

Kifungu cha 14

Kazi za Mkutano Mkuu wa Vyuo na Vyuo Vikuu Tawi

- (a) Mkutano Mkuu wa Tawi utafatilia na kujadili mafanikio na changamoto katika mambo yanayohusu masilahi ya wanafunzi wa Vyuo na Vyuo Vikuu. Mambo hayo ni elimu, mikopo kwa ajili ya elimu ya juu, siasa na uwezeshaji pamoja na masuala ya Kitaifa.
- (b) Utajadili taarifa ya kazi za wanafunzi wa Vyuo na Vyuo Vikuu katika Tawi na kutoa mapendekezo ya utekelezaji wa siasa za Tawi kwa Kamati ya uratibu ya Tawi pia utapima mafanikio ya utekelezaji wa maazimio ya mikutano yake iliyopita pamoja na yale ya vikao vya juu.
- (c) Unapofika wakati wa uchaguzi, Mkutano Mkuu wa Tawi utafanya mambo yafuatayo:-
 - i. Utamchagua Mwenyekiti, Katibu, Katibu Hamasa na wajumbe wawili wa Kamati ya Uratibu Vyuo na Vyuo Vikuu Tawi watakaoshika nafasi hiyo ya uongozi kwa mujibu wa kifungu cha 11 cha Muongozo na Taratibu hizi.
 - ii. Utajaza nafasi zilizo wazi za uongozi zinazotokea katika Tawi.
- (d) Mkutano Mkuu wa Vyuo na Vyuo Vikuu Tawi utafanyika mara moja kila Muhula wa masomo lakini unaweza kufanyika wakati wowote endapo itaagizwa kufanya hivyo na kikao kingine cha ngazi ya juu.

Kifungu cha 15

Kikao cha Kamati ya Uratibu ya Vyuo na Vyuo Vikuu Tawi

Kutakuwa na Kikao cha Kamati ya uratibu ya Tawi, kwa kila Tawi la wanafunzi wa Vyuo na Vyuo Vikuu.

- (a) Kikao cha Kamati ya Uratibu ya Tawi kitakuwa na wajumbe wafuatao;
- Katibu wa Vyuo na Vyuo Vikuu Tawi
 - Katibu Hamasa wa Vyuo na Vyuo Vikuu Tawi.
 - Wajumbe wawili wa Vyuo na Vyuo Vikuu Tawi watakaochaguliwa na Mkutano Mkuu wa Tawi.
- b) Kikao cha Kamati ya Uratibu ya Tawi kitafanyika angalau mara mbili kila muhula wa masomo na si chini ya mara nne kwa mwaka wa masomo.
- c) Katibu wa Vyuo na Vyuo Vikuu Tawi ndiye atakayeongoza Kikao cha Vyuo na Vyuo Vikuu Tawi lakini endapo Katibu atakuwa hayupo kamati ya uratibu inaweza kuchagua mjumbe mwingine yejote mionganoni mwao kuwa mwenyekiti wa muda wa kikao hicho.

Kifungu cha 16

Kazi za Kikao cha Kamati ya Uratibu ya Vyuo na Vyuo Vikuu Tawi
Kazi za Kikao cha Kamati ya Uratibu ya Vyuo na Vyuo Vikuu Tawi zitakuwa kama zifuatazo:

- (a) Kulinda na kutetea maslahi ya wanafunzi wa Vyuo na Vyuo Vikuu.
- (b) Kuandaa mikakati ya kampeni za uchaguzi na kampeni nyinginezo ndani na nje ya Tawi.
- (c) Kuelimisha fursa za ajira, kujiajiri na uwezeshaji kwa wanafunzi wa Vyuo.
- (d) Kufanikisha Elimu shirikishi na mafunzo kwa wanafunzi na kuratibu semina na midahalo ya uzalendo, maadili ya Taifa, elimu ya kujitegemea, uongozi na ubunifu.
- (e) Unapofika wakati wa uchaguzi, Kamati ya Uratibu ya Tawi itashughulika na mambo yafuatayo;
- Kufikiria na kutoa mapendekezo juu ya wanachama wa Vyuo na Vyuo Vikuu wanaoomba nafasi za Uongozi. Mapendekezo hayo yatapelekwa kwa Kamati ya Uratibu ya Wanafunzi wa Vyuo na Vyuo Vikuu kwa ngazi ya Mkoa
 - Kikao cha Kamati ya Uratibu ya Tawi kitafanya mikutano yake mara mbili kila Muhula wa masomo lakini kinaweza kukutana wakati mwingine wowote palipo na umuhimu wa kufanya hivyo.

iii. Kikao cha Kamati ya Uratibu ya Tawi kitaandaa Mkutano
Mkuu wa Tawi.

Kifungu cha 17

Viongozi wa Vyuo na Vyuo Vikuu Tawi

Kutakuwa na Viongozi Wa Vyuo na Vyuo Vikuu Tawi wafuatao;

- i. Mwenyekiti wa Vyuo na Vyuo Vikuu Tawi
- ii. Katibu wa Vyuo na Vyuo Vikuu Tawi
- v. Katibu Hamasa wa Vyuo na Vyuo Vikuu Tawi.

Kifungu cha 18

Mwenyekiti wa Tawi

- (a) Mwenyekiti wa Vyuo na Vyuo Vikuu Tawi atachaguliwa na Mkutano Mkuu wa Tawi na atakuwa katika nafasi hiyo ya Uongozi kwa mujibu wa kifungu cha 11 cha Muongozo na Taratibu hizi.
- (b) Atakuwa ndiye msimamizi mkuu wa shughuli za kisiasa za Vyuo na Vyuo Vikuu katika tawi husika.
- (c) Ataongoza Mkutano Mkuu wa Vyuo na Vyuo Vikuu Tawi.
- (d) Katika mikutano anayoiongoza, zaidi ya kuwa na kura yake ya kawaida Mwenyekiti wa Vyuo na Vyuo Vikuu Tawi atakuwa pia na kura ya uamuzi iwapo kura za wajumbe wanaoafiki na wasioafiki zitalingana.

Kifungu cha 19

Katibu wa Tawi

- (a) Katibu wa Vyuo na Vyuo Vikuu Tawi atachaguliwa na Mkutano Mkuu wa Tawi lake na atakuwa katika nafasi hiyo ya uongozi kwa mujibu wa kifungu cha 11 cha Muongozo na Taratibu hizi.
- (b) Atakuwa ndiye mtendaji Mkuu wa Vyuo na Vyuo Vikuu katika Tawi na atafanya kazi zake chini ya Uongozi wa kamati ya uratibu ya Vyuo na Vyuo Vikuu Tawi
- (c) Atakuwa na wajibu wa kuitisha Mikutano yote ya Vikao vya Vyuo na Vyuo Vikuu Tawi kwa kushirikiana na Mwenyekiti.

- (d) Atatunza fedha/mali na kumbukumbuku zote za Ofisi ya kamati ya Uratibu Vyuo na Vyuo Vikuu Mkoa
- (e) Ataratibu na kuongoza shughuli zote za ofisi ya Kamati ya Uratibu ya Vyuo na Vyuo Vikuu Tawi.

Kifungu cha 20

Katibu Hamasa wa Vyuo na Vyuo Vikuu Tawi

- (a) Atachaguliwa na Mkutano Mkuu wa Vyuo na Vyuo Vikuu Tawi na atakuwa katika nafasi hiyo ya uongozi kwa mujibu wa kifungu cha 11 cha muongozo huu.
- (b) Atakuwa ndiye msimamizi Mkuu wa shughuli zote za Uhamasishaji, sera, utafiti na mawasiliano katika tawi.
- (c) Atawajibika juu ya masuala yote yanayohusu wanafunzi kama vile mambo ya elimu, mikopo ya elimu ya juu na uwezeshaji.
- (d) Ataratibu na kuweka mazingira ya ushirikishwaji wa vijana katika shughuli za kujitolea za kijamii.
- (e) Kuendeleza, kukuza na kusimamia shughuli za utamaduni na michezo katika Tawi.
- (f) Atawajibika kwa Mkutano Mkuu wa Tawi kwa kazi na shughuli zake zote.
- (g) Atakuwa mjambe wa mukutano Mkuu na kamati ya Uratibu ya Vyuo na Vyuo Vikuu Tawi

FUNGU LA PILI – VIKAO VYA WANAFUNZI WA VYUO NA VYUO VIKUU MKOA

Kifungu cha 21

Vikao vya Vyuo na Vyuo Vikuu Mkoa

Kutakuwa na vikao vifuatavyo vya wanafunzi wa Vyuo na Vyuo Vikuu Mkoa:

- i. Mkutano Mkuu wa Seneti Vyuo na Vyuo Vikuu Mkoa
- ii. Kamati ya Uratibu ya Vyuo na Vyuo Vikuu Mkoa
- iii. Mkutano wa viongozi Wakuu wa Vyuo na Vyuo Vikuu Mkoa

Kifungu cha 22

Mkutano Mkuu wa Seneti wa Vyuo na Vyuo Vikuu Mkoa.

- (a) Kutakuwa na Mkutano Mkuu wa Seneti Vyuo na Vyuo Vikuu Mkoa ambao utakuwa na wajumbe wafuatao:
- Mwenyekiti wa Seneti Vyuo na Vyuo Mkoa
 - Katibu wa Seneti Vyuo na Vyuo Vikuu Mkoa
 - Katibu Hamasa wa Vyuo na Vyuo Vikuu Mkoa
 - Wajumbe wengine wawili wa Kamati ya Uratibu wa Seneti Mkoa
 - Viongozi wote wa Vyuo na Vyuo Vikuu wa kila Tawi ambao ni Mwenyekiti, Katibu na Katibu Hamasa Vyuo na Vyuo Vikuu Tawi.
 - Katibu wa UVCCM mkoa husika
 - Makatibu wa UVCCM wilaya ndani ya Mkoa husika
- b) Mkutano Mkuu wa Seneti wa Vyuo na Vyuo Vikuu Mkoa ndicho kikao kikuu cha Vyuo na Vyuo Vikuu Mkoa.
- c) Mkutano Mkuu wa Seneti wa Vyuo na Vyuo Vikuu utafanyika mara moja kila baada ya miezi kumi na mbili au utakapohitajika kufanyika.
- d) Mwenyekiti wa Seneti wa Vyuo na Vyuo Vikuu Mkoa ataongoza Mkutano Mkuu wa Seneti wa Vyuo na Vyuo Vikuu Mkoa, asipokuwepo atachaguliwa mwanachama mwingine anayetokana na wajumbe wa Mkutano huo kuongoza kikao.

Kifungu cha 23

Kazi za Mkutano Mkuu wa Seneti wa Vyuo na Vyuo Vikuu

Kazi za Mkutano Mkuu wa Seneti Mkoa zitakuwa kama ifuatavyo:-

- (a) Kupokea na kujadili taarifa za kazi zilizotolewa na Kamati ya Uratibu ya Vyuo na Vyuo Vikuu Mkoa na kutoa maelekezo ya utekelezaji wake kwa kipindi kijacho.
- (b) Kujadili mambo yote muhimu ya wanafunzi wa vyuo vya Elimu ya juu kuhusu elimu, mikopo ya elimu ya juu, uwezeshaji na michezo.

- (c) Kuandaa, kuweka na kuratibu taarifa muhimu za wanafunzi makada waliopo na wanaomaliza vyuo kwa matumizi ya Chama na Taifa
- (d) Aidha, unapofika wakati wa Uchaguzi, Mkutano Mkuu wa Seneti Vyuo na Vyuo Vikuu Mkoaa utashughulikia mambo yafuatayo:-
- i) Utamchagua Mwenyekiti wa Seneti, Katibu wa Seneti, Katibu Hamasa Seneti na Wajumbe wawili wa Kamati ya Uratibu Vyuo na Vyuo Vikuu Mkoaa ambao watashika nafasi hizo za uongozi kwa mujibu wa kifungu cha 11 cha Muongozo na Taratibu hizi.
 - ii) Kuunda kamati mbalimbali kadri itakavyoonekana inafaa.
 - iii) Mwenyekiti wa Seneti wa Vyuo na Vyuo Vikuu Mkoaa ataongoza Mkutano Mkuu wa Seneti wa Vyuo na Vyuo Vikuu mkoaa lakini kama Mwenyekiti hayupo atachaguliwa mwanachama mwingine anayetokana na wajumbe wa Mkutano huo kuongoza kikao.
 - iv) Kuchagua wajumbe watatu kwenye kila Wilaya ndani ya Mkoaa angalau jinsia ikizingatiwa, watakaowakilisha Baraza Kuu UVCCM wilaya kutoka kwenye matawi ya Vyuo na Vyuo Vikuu yaliyopo kwenye Wilaya husika.
 - v) Mkutano Mkuu wa Seneti wa Vyuo na Vyuo Vikuu Mkoaa wa kawaida utafanyika kila baada ya miezi kumi na mbili lakini unaweza kufanyika wakati wowote iwapo itaonekana inafaa.

Kifungu cha 24

Kamati ya Uratibu ya Vyuo na Vyuo Vikuu Mkoaa

- (a) Kutakuwa na Kamati ya Uratibu ya Vyuo na Vikuu Mkoaa ambayo itakuwa na wajumbe wafuatao:-
- i. Katibu wa Seneti Vyuo na Vyuo Vikuu Mkoaa
 - ii. Katibu wa Seneti Hamasa Vyuo na Vyuo Vikuu Mkoaa
 - iii. Katibu wa UVCCM Mkoaa
 - iv. Wajumbe wawili angalau watakaochaguliwa na Mkutano Mkuu wa Seneti Mkoaa.

- (b) Kamati ya Uratibu ya Vyuo na Vyuo Vikuu Mkoa itafanya mikutano yake ya kawaida mara moja kila muhula wa masomo.
- (c) Katibu wa Seneti Mkoa ataongoza Mikutano yote ya Kamati ya Uratibu ya Mkoa na kama hayupo atachaguliwa Mjumbe mwingine wa muda kutoka mionganini mwao kuongoza kikao.

Kifungu cha 25

Kazi za Kamati ya Uratibu ya Vyuo na Vyuo Vikuu Mkoa

- (a) Kazi za Kamati ya Uratibu Vyuo na Vyuo Vikuu Mkoa zitakuwa kama ifuatavyo:
- i. Kusimamia na kufuatalia harakati za kisiasa na za kitaaluma katika Vyuo na Vyuo Vikuu Mkoa.
 - ii. Kuratibu na kusimamia utekelezaji wa shughuli za kuandaa midahalo, makongamano na mijadala ya wazi itakayowahusisha wanafunzi katika kuchambua, kufafanua na kuelezea masuala mbalimbali yanayohusu mustakabali wa Taifa.
 - iii. Kusimamia utekelezaji wa maagizo kutoka vikao vya juu yanayohusu wanafunzi. Aidha, kuratibu zoezi la kuweka taarifa muhimu za wanafunzi katika Mkoa husika
- (b) Itafanya mikutano yake ya kawaida mara mbili kila muhula wa masomo, lakini itaweza kufanya mkutano usio wa kawaida wakati wowote.
- (c) Kuandaa shughuli za vikao vyote vya juu yake.
- (d) Katibu wa Seneti wa Mkoa ataongoza Mikutano ya Kamati ya Uratibu ya Mkoa lakini kama hayupo, atachaguliwa mjumbe mmoja kutoka mionganini mwao kuongoza kwa muda.

Kifungu cha 26

Viongozi Wakuu wa Vyuo na Vyuo Vikuu Mkoa

Kutakuwa na Viongozi Wakuu wa Vyuo na Vyuo Vikuu Tawi wafuatao:-

- i. Mwenyekiti wa Vyuo na Vyuo Vikuu Mkoa
- ii. Katibu wa Vyuo na Vyuo Vikuu Mkoa

Kifungu cha 27

Viongozi wa Vyuo na Vyuo Vikuu wa Mkoa

Kutakuwa na viongozi wa Vyuo na Vyuo Vikuu Mkoa kama ifuatavyo:-

- i. Mwenyekiti wa Seneti Vyuo na Vyuo Vikuu Mkoa
- ii. Katibu wa Seneti Vyuo na Vyuo Mkoa
- iii. katibu wa Seneti Hamasa Vyuo na Vyuo Vikuu Mkoa

Kifungu cha 28

Mkutano wa Viongozi Wakuu Vyuo na Vyuo Vikuu Mkoa

- i. Kutakuwa na Mkutano wa Viongozi Wakuu wa Vyuo na Vyuo Vikuu ambao wajumbe wake watakuwa Wenyeviti na Makatibu wa Seneti Vyuo na Vyuo Vikuu Mikoa.
- ii. Mkutano wa Viongozi Wakuu utachagua wawakilishi watano wa Baraza Kuu UVCCM Taifa watakaotokana na wajumbe, watatu kutoka bara na wawili kutoka Zanzibar kwa kuzingatia jinsia.

Kifungu cha 29

Mwenyekiti wa Seneti Vyuo na Vyuo Vikuu Mkoa

Mwenyekiti wa Seneti wa Vyuo na Vyuo Vikuu Mkoa atachaguliwa na Mkutano Mkuu wa Seneti wa Vyuo na Vyuo Vikuu Mkoa na atakuwa katika nafasi hiyo ya uongozi kwa mujibu wa kifungu cha 11 cha Muongozo na Taratibu hizi.

Kifungu cha 30

Kazi za Mwenyekiti wa Seneti Vyuo na Vyuo Vikuu Mkoa

- i. Ataongoza Mkutano Mkuu wa Vyuo na Vyuo Vikuu Mkoa
- ii. Katika mikutano anayoiongoza, zaidi ya kuwa na kura yake ya kawaida Mwenyekiti wa Vyuo na Vyuo Vikuu Mkoa atakuwa pia na kura ya uamuzi iwapo kura za wajumbe wanaoafiki na wasioafiki zitalingana.
- iii. Atakuwa mjumbe wa baraza kuu la UVCCM Mkoa
- iv. Atakuwa mjumbe wa mkutano mkuu UVCCM Mkoa

- v. Atakuwa ndiye msimamizi wa shughuli zote za kisiasa za Vyuo na Vyuo Vikuu Mkoa
- vi. Atakuwa mjumbe wa Mkutano wa Viongozi wakuu wa Vyuo na Vyuo Vikuu Mikoa.

Kifungu cha 31

Katibu wa Seneti Wa Vyuo na Vyuo Vikuu Mkoa

- (a) Katibu wa Seneti wa Vyuo na Vyuo Vikuu Mkoa atachaguliwa na Mkutano Mkuu wa Seneti wa Vyuo na Vyuo Vikuu Mkoa na atakuwa katika nafasi hiyo kwa mujibu wa kifungu cha 11 cha Muongozo na Taratibu hizi.
- (b) Katibu wa Seneti wa Vyuo na Vyuo Vikuu atakuwa na majukumu yafuatayo:
 - i. Atakuwa ndiye mtendaji Mkuu wa Vyuo na Vyuo Vikuu katika Mkoa husika na atafanya kazi zake chini ya Uongozi wa kamati ya uratibu ya Vyuo na Vyuo Vikuu Mkoa
 - ii. Atakuwa na wajibu wa kuitisha Mikutano yote ya Vikao vya Vyuo na Vyuo Vikuu Mkoa kwa kushirikiana na Mwenyekiti.
 - iii. Kusimamia kazi za uendeshaji wa katika Vyuo na Vyuo Vikuu Mkoa.
 - iv. Kufuatilia na kuratibu masuala ya uzalendo, maadili ya Taifa, elimu ya kujitegemea, uongozi na utafiti.
 - v. Kuratibu shughuli za uchaguzi wa viongozi wa Matawi ya Vyuo na Vyuo Vikuu Mkoa
 - vi. Atashirikiana na Katibu wa UVCCM kwenye Mkoa husika katika utekelezaji wa majukumu ya kila siku.
 - vii. Atakuwa mjumbe wa Mkutano wa Viongozi Wakuu wa Vyuo na Vyuo Vikuu Mkoa.
 - viii. Ataturiza fedha/mali na kumbukumbuku zote za Ofisi ya kamati ya Uratibu Vyuo na Vyuo Vikuu Mkoa
 - ix. Ataratibu na kuongoza shughuli zote za ofisi ya Kamati ya Uratibu ya Vyuo na Vyuo Vikuu Mkoa.
 - x. Atakuwa mjumbe wa Baraza Kuu UVCCM Mkoa.

Kifungu cha 32

Katibu wa Seneti Hamasa Wa Vyuvo na Vyuvo Vikuu Mkoa

- (a) Atachaguliwa na Mkutano Mkuu wa Vyuvo na Vyuvo Vikuu Mkoa na atakuwa katika nafasi hiyo ya uongozi kwa mujibu wa kifungu cha 11 cha Muongozo na Taratibu hizi.
- (b) Atawajibika juu ya masuala yote yanayohusu wanafunzi Kama vile mambo ya elimu, mikopo ya elimu ya juu na uwezeshaji.
- (c) Ataratibu na kuweka mazingira ya ushirikishwaji wa vijana katika shughuli za kujitolea za kijamii.
- (d) Kuendeleza, kukuza na kusimamia shughuli za utamaduni na michezo katika Mkoa.
- (e) Atakuwa ndiye msimamizi Mkuu wa shughuli zote za Uhamasishaji, sera, utafiti na mawasiliano katika tawi.
- (f) Atakuwa mjumbe wa mkutano Mkuu na kamati ya Uratibu ya Vyuvo na Vyuvo Vikuu Mkoa
- (g) Atawajibika kwa Mkutano Mkuu wa Mkoa kwa kazi na shughuli zake zote.
- (h) Atakuwa mjumbe wa Baraza Kuu UVCCM Mkoa

SEHEMU YA NNE

UWAKILISHI WA VIKAO TAIFA

Kifungu cha 33

Uwakilishi katika vikao vya UVCCM Taifa

- a) Wanafunzi wa Vyuo na Vyuo Vikuu watakuwa na uwakilishi katika vikao vya kitaifa kama ifuatavyo
 - i) Baraza kuu UVCCM
 - ii) Mkutano Mkuu UVCCM Taifa
 - iii) Kamati ya Utekelezaji UVCCM
- b) Mara baada ya kupatikana kwa viongozi wakuu wa Vyuo na Vyuo Vikuu wa Mkoa watakutana na kuchagua mionganini mwao wajumbe watano watakaokuwa wajumbe wa Baraza kuu la UVCCM kwa kuzingatia uwiano, wawili kutoka Zanzibar na watatu kutoka Tanzania bara kwa kuzingatia jinsia
- c) Wajumbe wa Baraza Kuu UVCCM Taifa wanaowakilisha Vyuo na Vyuo Vikuu watakuwa wajumbe wa Mkutano Mkuu wa UVCCM Taifa
- d) Katibu wa Idara ya Vyuo na Vyuo Vikuu atakuwa mjumbe wa Kamati ya Utekelezaji UVCCM.

SEHEMU YA TANO

MENGINEYO

Kifungu cha 34

Akidi ya vikao

Isipokuwa Kama imeagizwa vinginevyo katika muongozo huu kiwango cha mikutano ya vikao vyote vya wanafunzi wa Vyuo na Vyuo vikuu kitakuwa zaidi ya nusu ya wajumbe walio na haki ya kuhudhuria katika kikao kinachohusika.

Kifungu cha 35

Kiwango cha kufikia uamuzi

Katika masuala yanayohusu wanafunzi wa Vyuo na Vyuo Vikuu jambo lingine lolote linalohusu kubadilisha utaratibu wowote wa kimsingi linapaswa liwasilishwe na Kamati ya Utekelezaji UVCCM Taifa na kupitishwa na Baraza Kuu UVCCM.

Kifungu cha 36

Nafasi zikiwa wazi

Wakati wowote kuna potokea nafasi miongoni mwa viti vyoyote vya wanafunzi wa Vyuo na Vyuo Vikuu, vikao vya ngazi zinazohusika vitajaza nafasi hizo na kutoa taarifa ofisi ya Katibu Mkuu wa UVCCM Taifa

Kifungu cha 37

Mahudhurio katika Mkutano

Mjumbe yejote wa kikao chochote kilichowekwa na taratibu na muongozo huu ataacha kuwa mjumbe wa kikao hicho iwapo hatahudhuria Mikutano mitatu ya kikao kinachomhusu, isipokuwa kwa sababu zinazokubalika na kikao chenyewe.

Kifungu cha 38

Tafsiri

Kwa mujibu wa muongozo huu maneno yafuatayo yatakuwa na maana kama yalivyoelezwa hapa chini;

- i. **Tawi:** inamaanisha ni tawi la UVCCM la Vyuo na Vyuo Vikuu
- ii. **Mkoa:** Ni muungano wa matawi ya Vyuo na Vyuo Vikuu ambayo yapo katika Mkoa husika.
- iii. **Seneti:** Ni Mkutano Mkuu wa Wanafunzi Mkoa.
- iv. **Vyuo:** Ni Vyuo vyote vilivyosajiliwa na NACTE
- v. **Vyuo Vikuu:** Ni Vyuo Vikuu Vyote vilivyosajiliwa na TCU